

## **Ataatsimiitap assigiinngitsunik suliallip malittarisassaanik nutarterineq**

Aalajangiiffigisassaq

J.nr.: 41.00-A00-10-19

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

### **Suliassamik eqikkaaneq**

Suliffeqarnermut Isumaginninnermullu Ingerlatsivimmi aqqissuussaaniikkut annertuumik allannguinnermut atatillugu Inersimasunik Isumassuiffik atorunnaarpoq. Immikkoortoqarfik atorunnaarsinneqartoq susassareqatigiit ataatsimiititaanni ilanngullugu malittarisassaqartinneqarpoq, tamannalu malittarisassat misissorneqarnissaannut pissutaavoq.

Suliaq 2019-imi 04. juunip ulluisa Suliffeqarnermut Isumaginninnermullu Ataatsimiititami oqaluuserineqarpoq.

Suliaq 2019-imi novembarip ulluisa arfernanni Suliffeqarnermut Isumaginninnermullu Ataatsimiititami oqaluuserineqarpoq, Ataatsimiititallu inassuteqaat akuersissutigaa, suliarlu aalajangiussassanngorlugu Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 13. novembari 2019-imi ataatsimiinnerani oqaluuserineqarpoq, inassuteqaatigineqartoq ataatsimiititami akuersissutigineqarpoq suliarlu Kommunalbestyrelsimut inaarutaasumik akuerisassanngorlugu ingerlateqqinneqarluni.

### **Inassuteqaat**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ileqqoreqqusat Kukkunersiorneqarnissaat akuerineqassasoq

### **Suliassamik saqqummiussineq**

Susassareqatigiit ataatsimiititami qaammammoortumik siusinaartumik pensionisiaqalernissamik qinnuteqaatit suliarineqartarput aamma innarluutillit pillugit peqqussummi ilaanersut misissorneqartarpoq.

Ataatsimiititami ilaasortat katitigaanerisa nutarterneqarnerinut atatillugu malittarisassat misissorneqarput ilaasortallu iluarsivigineqarnerisa saniatigut § 3, imm, 5 iluarsineqarpoq.

Ilaasortat katitigaanerisa allanngortinneqarnera taamaallaat kommunip ataatsimiititami sinniisuutitaqaneranut sunniuteqassaaq. Allaffissornerup annikillisinneqarnissaa eqqarsaatigalugu, kommunimi aqutsisut ikinnerusut ataatsimiititaniinnissaat anguniarneqarpoq. Katitigaanermut allannguutit allat taamaallaat siunissami aqqissuussaaneq allanngortinneqassagaluarpat malittarisassanik allannguisariaqannginnissamik qulakkeerinnissapput. Allannguinerit taakkua ullumikkut ataatsimiititami ilaasortaasunut sunniuteqarnaviangillat. Taamaattumik ataatsimiititaq atulersussaq taannaaginnassaaq.

*Aaqqiissutissatut siunnersuut – suliatigut naliliineq*  
Soqanngilaq

*Aningaasatigut sulisoqarnikkullu naliliinerit*  
Kinguneqaatissaqanngilaq.

*Inatsisitigut tunngavissaq allakkallu tunngaviusumik uppernarsaatitallit*  
Soqanngilaq

*Ingerlariaqqinnissaq*  
Soqanngilaq

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfimmit oqaaseqartitsisoqarsimanngilaq.

**Innuttaasunik peqataatitsineq/Attaveqaqatigiinneq**  
TFU allannguutissatut siunnersuutit pillugit ilisimatinneqarpoq

**Ingerlatsivinnit allanit oqaaseqaatigineqartut**  
Soqanngilaq

**Siusinnerusukkut aalajangerneq**  
*Suliffeqarnermut Isumaginninnermullu Ataatsimiititap aalajangernera 04. juuni 2019-imeersoq:*  
Inassuteqaat akuerineqarpoq

*Suliffeqarnermut Isumaginninnermullu Ataatsimiititap aalajangernera 06. novembari 2019-imeersoq:*  
Inassuteqaat akuerineqarpoq

*Aningaasaqarnermut Inuussutissarsiornermullu Ataatsimiititap 13. novembari 2019-imi aalajangiussaa:*  
Inassuteqaat akuerineqarpoq

#### **Ilanngussat**

1. Kommuneqarfik Sermersuumi inersimasut pillugit isumaginninnermi suliani ataqatigiissaarinnermut suleqatigiissitamut ileqqoreqqusat
2. Kommuneqarfik Sermersuumi inersimasut pillugit isumaginninnermi suliani ataqatigiissaarinnermut suleqatigiissitamut ileqqoreqqusat 2